



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

60. Balduinus Flandriae & Hannoniae Comes, pòst Imp.
Constantinopolitanus, Gerardimontensis opidi leges & priuilegia, à
praedecessoribus suis conceßa, firmat ac stabilit.

urn:nbn:de:hbz:466:1-10903

in vrbe Siluiducensi, quam sibi pretio compararunt.

BERNEHESE) nunc Bernheste est tractus terrarum, partim sub iurisdictione vici Hesevicensis, partim Dinterensis, secundo la- pide à Busco-Ducis: ex quibus potissimum prædijs Bernenses ho- die aluntur.

C A P V T L X .

Balduinus Flandriæ & Hannoniæ Comes, post Imp. Constantino- politanus, Gerardimontensis opidi leges & priuilegia à prædecessoribus suis concessa, firmat ac stabilit.

Ego BALDWINVS, Flandriæ & Hannoniæ Comes, vniuersis no- tum fieri volo, quod prædecessor noster Balduinus, tam Flan- driæ quam Hannoniæ Comes, allodium quoddam in parochia de Hunighem, à quodam GERALDO, magnæ auctoritatis viro em- ptum, sibi vendicauit, in quo opidum construendum elegit, quod à Geraldio GERALDIMONIS nominari placuit.

Viso autem, quod prædictum allodium, pro paruitate & breuita- te sua minimè sufficeret ad ea, quæ opido construendo forent ne- cessaria, de parte prædicti allodiij dominum de Boulaer feodauit, vt quæ ad usus Geraldimontensium essent necessaria, prouideret.

Dedit igitur dominus de Boulaer, in recompensationem feudi prænominati, Balduino Comiti, ad usus Geraldimontensem Bus- smont, sicut ipse possedit, & Cortflade, & pasturam à ponte supe- rioris Boulaer usque Hunighem, à Tenera usque ad terram arabi- lem. & ab Hersebecke, sicut Dutchem prætersunt usque Teneram.

Dedit etiam omnem pasturam à Boulaer castello, usque Grime- ghem: addidit insuper, quod quibuscumque aquis vel pascuis ho- mines sui uterentur, liceret Geraldimontensibus uti communiter.

Præterea prædictus Comes Raspaliam acquinavit Geraldimon- tensibus, qui postea communi consilio & assensu totius villæ domi- no & patre meo Balduino, Comiti Flandriæ & Hannoniæ & Mar- chioni Namucensi libere contulerunt, in cuius restitutionem præ- dictus Comes dedit Geraldimontensibus mediataem Hallæ, in omni iure suo, perpetuè possidendam.

His ita ordinatis Balduinus Comes considerans, quod prædictum opidum,

opidum, quod situm erat in marchis Flandriæ, Hannoniæ & Brabantia, ad inhabitationem sui minimè quemquam inuitaret, nisi maximæ libertatis ope tutaretur, conuocatis Flandriæ, Hannoniæ, Brabantia Baronibus, assensu quorum & consilio omnia præordinauit, in opido Gerardimontensi hæc libertatis iura constituit, quæ cum eo Barones prædicti, præstita cautione iuramenti, in perpetuum seruanda compromiserunt. Sunt autem sequentia.

Ex quo aliquis in opido Gerardimontensi hereditatem acquisierit, si opidi instituta secundum iudicium Scabinorum tenuerit, liber erit, cuiusque conditionis fuerit. Idem, si voluerit, habet libertatem dimittendi opidum, si de pacto vel debito ibidem satisfecerit.

Item nemo cogatur inire duellum, vel subire iudicium ignis & aquæ....

Item si quis fuerit absque herede, libertatem habet erogandi sua, & hereditatem suam, tam ecclesijs quam pauperibus in elemosynam.

Item nato puer ex coniunctis legitimè, si intra liminaria dominus tantum auditus statim obierit, moriente patre vel matre, viuenti hereditas & pecunia adiudicatur. Et notandum quod hereditas in elemosynam data post annum transactum, debet ad Scabinatum reuerti.

Item si filij vel filiæ hereditatem vel pecuniam à parentibus acceperint, altero parentum mortuo, si partiri voluerint, quod prius acceperint in commune referatur.

Item si burgensis allodium alicuius in opido coram francis hominibus & Scabinis inuadiauerit, vadimonium suum ibidem, iudicio Scabinorum, obtinebit.

Item si quis burgensi debitum suum soluere noluerit, quod Scabinis notum fuerit, auxilio Comitis & potestate compellatur ei satisfacere.

Item si Scabini de aliquo iudicio dubitauerint, inquisitionem suam à Scabinis Gandenibus accipient. Scabini autem eamdem legem & eadem iudicia, quæ huc usque tenuerunt, deinceps teneant.

Præterea si quis aliquem occiderit, vel membris truncauerit, caput pro capite, membrum pro membro, nisi se defendendo hoc fecerit.

Item

Item si quis alium vel verberauerit, vel pulsauerit, vel ad terram prostrauerit, vel capillauerit, sexaginta solidos soluet Comiti, & si feria secunda hoc contigerit, sex libras.

Item si quis aliquem Scabinorum vel Villicum, in seruitio Comitis existentem, conuictatus fuerit, sexaginta solidos soluet, & si feria secunda hoc contigerit, sex libras.

Hec itaque libertatis iura à predecessoribus nostris cum maxima dilocatione instituta, & à PHILIPPO illustri Comite Flandriæ & Viromandiæ confirmata, ut rata & inconuulsa in perpetuum permaneant Geraldimontensibus, præsentem contuli paginam, sigilli mei auctoritate, & testium annotatione roboratam.

N O T A T I O N E S .

PRÆDECESSOR noster Balduinus.) Fuit is, nisi fallor, Balduinus Montanus, Flandriæ & Hannoniæ Comes, qui circa an. 1068. aut 1081. Geraldimontem in opidi formam redegit, legibus firmavit & priuilegijs dotauit: quæ postea Philippus Alsatiæ & Balduinus Constantinopolitanus confirmarunt.

HVNIGHEM) templum antiquum, intra muros opidi Gerardi-montensis: penes quod an. 1624. cœnobium virginum Benedic-tinarum reformatarum ædificari cœptum est.

G R A L D V S) seu Gerardus, vir nobilis, opidi Gerardi-monten-sis in Flandria Imperiali conditor, à toparcha Boulariensi occisus fuisse traditur, in agro vicino, vbi hodieque crux lapidea visitur.

B O V L A B R) Baronia & arx, haut procul ab opido Gerardi-mon-tensi sita.

B V S I M O N T) collis, opido Gerardi-montensi vicinus, cum ericeto.

T E N E R A) fluuijs opidum Gerardi-montense intersecat, & in Scaldim deuoluitur Teneramondæ.

D V T S C H E M) riuis in Teneram influens.

R A S P A L I A) silua possidetur nunc ab Abbatte S. Adriani, & Abbatissa Belli-prati.

P A T R I M E O Balduino. Fuit is Balduinus Magnanimus, Hanno-niæ Comes.

A G A N D E N S I B V S accipient. Lex ista abrogata est.

X y

C A P V T